



9.3.2023
[Signature]

Broj: 04-02-1-218/22
Sarajevo, 9.3.2023. godine
(ES)

BOSNA I HERCEGOVINA
MINISTARSTVO FINANSIJA I TREZORA
SARAJEVO

10-03-2023		696	
05	16-2	2135-6	

BOSNA I HERCEGOVINA
MINISTARSTVO FINANSIJA I TREZORA

SARAJEVO

PREDMET: Mišljenje o Naertu Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu

Veza: vaš akt broj: 05-16-2-2135-1/23 od 9.3.2023. godine

Ured za zakonodavstvo Vijeća ministara Bosne i Hercegovine, razmotrio je **Naert Zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu** i na osnovu člana 25. stav 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), daje

MIŠLJENJE

Ustavni osnov za donošenje predmetnog Zakona sadržan je u članu III 1.e) Ustava Bosne i Hercegovine prema kojem je u nadležnosti institucija Bosne i Hercegovine finansiranje institucija i međunarodnih obaveza Bosne i Hercegovine.

Ustavni osnov sadržan je i u članu IV 4.a), b) i c) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona potrebnih za provođenje odluka Predsjedništva Bosne i Hercegovine ili za vršenje funkcija Parlamentarne skupštine prema Ustavu Bosne i Hercegovine; odlučivanje o izvorima i iznosu sredstava za rad institucija Bosne i Hercegovine i za međunarodne obaveze Bosne i Hercegovine, te odobravanje budžeta za institucije Bosne i Hercegovine.

Takođe, ustavni osnov sadržan je u članu VIII 1. Ustava Bosne i Hercegovine, prema kojem će Parlamentarna skupština Bosne i Hercegovine svake godine, na prijedlog Predsjedništva Bosne i Hercegovine, usvojiti budžet kojim se finansiraju troškovi potrebni za izvršavanje nadležnosti institucija Bosne i Hercegovine i međunarodnih obaveza Bosne i Hercegovine.

Predmetnim zakonom utvrđuje se budžet institucija Bosne i Hercegovine i međunarodnih obaveza Bosne i Hercegovine za 2023. godinu, u kojem su sadržani sljedeći dijelovi:

- a) Dio prvi: pregled prihoda i rashoda;
- b) Dio drugi: raspored prihoda i rashoda;
- c) Dio treći: servisiranje vanjskog duga;
- d) Dio četvrti: izvršenje budžeta i
- e) Dio peti: završne odredbe.

Na dostavljeni tekst **Nacrta zakona o budžetu institucija Bosne i Hercegovine i međunarodnih obaveza Bosne i Hercegovine za 2023. godinu**, Ured za zakonodavstvo daje sljedeće sugestije:

- u članu 7. stav (8) i članu 14. stav (2) riječ „broj“ zamijeniti skraćenicom „br.“;
- u članu 19. stav (1) službeno glasilo pisati sa znacima navoda;
- u članu 20. stav (2) preispitati predloženu normu u smislu da je Ministarstvo finansija i trezora u roku od 30 dana od dana objave Zakona o Budžetu dužno propisati instrukciju kojom će urediti prestrukturiranje rashoda budžetskih korisnika.

Ured za zakonodavstvo je mišljenja da bi ta obaveza trebala biti propisana na način da je Ministarstvo u roku od 30 dana od dana stupanja na snagu ovog Zakona dužno propisati tu instrukciju.

- U članu 23. stav (6) dodati i broj službenog glasila u kojem su objavljene posljednje izmjene Zakona o javnim nabavkama, odnosno dodati broj „59/22“.

Dostaviti:
-Naslovu
-a/a

